



**PRAVILNIK**  
**KARTING TRKA**  
**GORAŽDE 2013**

Sarajevo, juli/srpanj 2013. godine

## **AUTO 4x4 Club** organizuje Karting trku pod nazivom "**Goražde 2013**"

Trka se boduje za Šampionat Bosne i Hercegovine i biti će održana **21.09.2013.** godine. po odredbama ovog Pravilnika, koji je u skladu sa Pravilnikom BIHAMK-a o auto moto i karting sportu za 2013. godinu.

Program:

- 13:30 – Prijave i tehnički pregled
- 14:00 – Trening
- 16:00 – Kvalifikacije
- **17:00 – Trka**
- 19:00 – Proglašenje pobjednika

### **Član 1.**

ADRESA ORGANIZATORA

#### **AUTO 4x4 Club**

Šibenska 3/5, 71000 Sarajevo

tel: + 387 33 921 801

fax: + 387 33 922 700

e-mail: **auto@auto.ba**

### **Član 2.**

DIREKCIJA TRKE

Organizacijom trke rukovodi Direkcija trke i stara se o njenom uspješnom sprovođenju u skladu sa propisima navedenim u ovom Pravilniku i o tome da manifestacija protekne u sportskom i takmičarskom duhu.

### **Član 3.**

KLASE I BROJ KRUGOVA

<b>Klasa I – Mini kart 60 ccm</b>	<b>10</b> krugova
<b>Klasa II – Kadet</b>	<b>12</b> krugova
<b>Klasa III – Internacional A junior</b>	<b>16</b> krugova
<b>Klasa IV – Internacional A senior</b>	<b>20</b> krugova
<b>Klasa V – 125 ccm</b>	<b>20</b> krugova

Rukovodstvo takmičenja ima pravo korigovati broj krugova.

### **Član 4.**

USLOVI ZA VOZAČE

Pravo učešća imaju vozači koji posjeduju takmičarsku licencu ASN-a članica CIK-a, kao i uredno popunjenu i od strane matičnog kluba ovjerenu prijavu. Maloljetni takmičari moraju imati i saglasnost roditelja, odnosno staratelja.

Obzirom da se trka vozi za Šampionat Bosne i Hercegovine, samo od strane BIHAMK-a licencirani vozači i klubovi će biti bodovani u tom segmentu.

Takmičari koji dolaze iz inostranstva moraju imati licencu ASN-a, članice FIA-e kao i saglasnost ASN članice FIA-e da može učestvovati na pomenutom takmičenju.

Prijave se dostavljaju organizatoru najkasnije na dan takmičenja do isteka vremena predviđenog za verifikaciju i tehnički pregled.

Jedan vozač može da se prijavi i učestvuje u dvije klase pod uslovom da ispunjava uslove iz člana 3. ovog Pravilnika.

Potpisivanjem prijave takmičari prihvataju propozicije iz ovog Pravilnika i u cijelosti su dužni da poštuju odluke organizatora.

Pomoć na stazi za vrijeme trke dozvoljena je samo za vozače klase I.

Ulazak na stazu licima koja pomažu kod starta dozvoljen je samo pod uslovom da jedno lice pomaže vozaču jednog kartinga.

### **Član 5.**

Startarina za trku **"GORAŽDE 2013"** iznosi 25 KM.

### **Član 6.**

STAZA

Karting trka **"GORAŽDE 2013"** bit će održana u centru Goražda. Staza dužine cca 500 metara, minimalne širine 4,5 metara, prolazi ulicama Maršala Tita, Seada Sofovića, Meha Drljevića i Duhović Jusufa. Vozi se desni krug.

### **Član 7.**

VERIFIKACIJA I TEHNIČKI PREGLED

Verifikacija i tehnički pregled obaviće se na vidno obilježenom mjestu u okviru poligona. Tehnički pregled vozila vrši komisija od tri člana koju imenuje organizator takmičenja.

### **Član 8.**

PROGLAŠENJE REZULTATA TRKE I DODJELA PRIZNANJA

Startna lista, rezultati, kao i sva druga obavještenja biti će objavljena na oglasnoj tabli. Proglašenje pobjednika i svečana dodjela trofeja i priznanja obaviti će se na svečanoj tribini. Obavezno je da tri prvoplasirana vozača u svakoj klasi prilikom dodjele trofeja i priznanja budu obučeni u takmičarske kombinezone. Organizator će za postignute rezultate za prva tri plasirana takmičara u svakoj klasi dodijeliti medalje. Tri prvoplasirana kluba dobijaju trofeje.

### **Član 9.**

Takmičari - vozači na ovoj trci učestvuju na sopstveni rizik i odgovornost i za eventualno nastale materijalne i nematerijalne štete ne mogu da traže nadoknadu od organizatora takmičenja.

Obavezno je da svi vozači raspolažu sljedećom opremom: kaciga, potkapa, štitnik za vrat, štitnik za prsa, rukavice, kombinezon i propisanom sportskom obućom. Direktor trke može dozvoliti nastup takmičarima koji iz opravdanih razloga ne raspolažu kompletnom opremom da nastupe sa minimum opreme: kaciga, kombinezon i rukavice.

#### Član 10.

Pojedinačan plasman takmičara određuje se na osnovu postignutih rezultata, za koji se boduju na sljedeći način:

<b>Mjesto</b>	<b>1.</b>	<b>2.</b>	<b>3.</b>	<b>4.</b>	<b>5.</b>	<b>6.</b>	<b>7.</b>	<b>8.</b>	<b>9.</b>	<b>10.</b>	<b>11.</b>	<b>12.</b>	<b>13.</b>	<b>14.</b>	<b>15.</b>
<b>Bodovi</b>	<b>25</b>	<b>20</b>	<b>16</b>	<b>13</b>	<b>11</b>	<b>10</b>	<b>9</b>	<b>8</b>	<b>7</b>	<b>6</b>	<b>5.</b>	<b>4.</b>	<b>3.</b>	<b>2.</b>	<b>1.</b>

Ostali plasirani takmičari dobivaju po jedan bod.

#### Član 11.

Plasman klubova određuje se na osnovu boljeg zbira osvojenih bodova najviše tri najbolje plasirana vozača, bez obzira na klasu.

U slučaju istog broja bodova, bolje mjesto ima ona ekipa kluba koja ima bolje pojedinačne rezultate.

#### Član 12.

Nakon trke sva vozila ostaju u Parc fermeu do isteka žalbenog roka.

Prigovori na objavljene nezvanične rezultate i odvijanje takmičenja primaju se u pisanoj formi, najkasnije 30 minuta po objavljivanju nezvaničnih rezultata. Prigovor se taksira sa **50 KM**. U slučaju opravdanog prigovora taksa se vraća.

Prigovor rješava Žiri takmičenja.

#### Član 13.

Za sve ono što nije regulisano ovim Pravilnikom važe odredbe Pravilnika BIHAMK-a o auto moto i karting sportu za 2013. godinu.

#### Član 14.

ŽIRI

Sportskim dijelom takmičenja rukovodi Takmičarska komisija (Žiri) u sastavu:

- Ramiz Bakija
- Ajdin Džafić
- Sretko Hadžiabdić
- direktor trke
- glavni sudija
- delegat trke (predsjednik Žirija).

Sa članovima Žirija u vrijeme održavanja trke može komunicirati samo jedan ovlašteni predstavnik kluba.